

## **5-9-өд классъяслы коми кывйысь программа дорö аннотация.**

Öнiя школаын «Коми кыв» велöдан предметлы лöсялö тöдмалана-тöдмöдана (познавательнo-практическöй) визь. Сiйö сетö велöдчысьяслы чужан кыв йылысь тöдöмлуньяс, артмöдö-сöвмöдö кывйөн сёрниын вöдитчан кужöмлунсö. Коми кыв велöдöмлөн тайö торья могыс. Такöд тшöтш чужан кыв велöдöмлөн эмöсь челядьöс сöвмöдан мукöд могьяс.

Школаын чужан кыв велöдöмлөн öтувья могьясөн лоöны чужан кыв подув вылын челядьöс бурö велöдöм, бур туй вылö сувтны отсалöм, выль тöдöмлуньяс ашöра корсьны-аддзыны велöдöм; ашöра велöдчыны кужöмлун сöвмöдöм, небöгьясөн да справочнöй литератураөн уджалан, лыддысян сям сöвмöдöм да с.в.

Школаын велöдöны öнiя коми гижöд кыв, сы вöсна коми кывйысь программаö пырöны сы йылысь шöр юöртанторьясыс. Такöд öттшöтш сэтчö пырöны кыв история йылысь колана öтувья юöртанторьяс, а сiдзжö öнiя кывворын сöвмöм юкөньяс йылысь.

Чужан кывсö бура тöдöмыс – быд морт олöмын, уджын, творчествоын зумыд подув.